

帳星斗失珠璣曉色衝天淨銀霞爛日輝

遊春

一夜春風暖三竿曉日華  
有山皆著錦無地不開花  
金谷人多感桃源路易差  
迴頭皆是夢說與道人家

春夜雨二首

山光猶冷淡景色未鋪陳  
細雨偏霑物輕風不著人  
融和三月暖次第百花新  
靜夜軒中卧閑吟海上春  
春色來何晚清明不見花  
開軒觀翠竹撥土認黃芽  
夜雨微微作光風漸漸嘉  
參差三月盡桃李滿天涯

雲峯

道藏輯要

礪溪集

事

又胃集三

九夏時炎赫千山氣鬱蒸  
翔空初漠漠變態復層層  
及業真堪畫孤高不可昇  
何當仙去也跨鶴上憑凌

修殿乏材令工師  
檝木海北至濱阻風殆十餘日  
秋八月有九日方西南風  
檝木乘之始達膠東

日落金風順潮平  
檝木開雲帆爭岸急  
曉日映天來海北雖多難膠東  
幸少災不變成大厦已見得良材

自述

白髮年來長紅顏日漸凋  
未能明道術欲去問松喬  
罔象如何覓還丹著甚燒  
欽依三洞訣得使萬緣消

五言絕句